

衢州文獻集成

〔子部〕

第
128
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔子部〕

第
128
冊

國家圖書館出版社

第一二八冊目錄

玉芝堂談薈三十六卷（卷八至十四）

（明）徐應秋 撰
清抄本

.....

欽定四庫全書

玉芝堂談薈卷八

明 徐應秋 撰

人品難預定

蔡中郎以極言宦官幾為曾節所魚肉髡鉗亡命而卒
附董卓以身殉之元微之為分司御史不讓仇士良被
擊敗而當時壯之而卒緣宦官以進有適從何來之譏
寇萊公年十九舉進士時太宗惡年少者人教公增年

公曰吾初進可欺君耶其後當拜相而患年少則服地

黃

缺二
字

以變其鬚王濬冲少時父為涼州刺史卒官故

吏賄贈百萬皆辭而不受及至臺司好興利田園水碓

周遍天下積寶聚錢不知紀極李密為祖母陳情解官

而後以遷延怨望獲罪方望諫隗囂稱王而繼立劉林

以死李迥秀為母出悍婦而晚為張阿藏私夫劉敦孝

子而以二女奉劉聰顏杲卿死祿山之難忠烈著聞而

在湖州觀察時為其妻索夫人脂粉錢李固忠直忤權

身死不惜而胡粉傅面搔頭弄姿宋璟鐵心石腸剛直
難犯而作梅花賦喜擊羯鼓朱浚守建寧為元兵所執
曰安有朱晦翁孫失節者遂自經以死而方其諂事賈
似道每劄子必曰某萬拜人謂之朱萬拜漢光武建武
中羣臣請封禪詔曰百姓怨氣滿腹吾誰欺欺天乎上
書虛美者必髡令屯田然甫隔兩年讀河圖會昌符識
文言九世當封禪遂為東封之舉符堅禁圖識之學尚
書郎王珣以讀識被殺及季年為慕容氏所困讀識書

云帝出五將久長得遂出奔五將為姚萇所得一人行
事而初終本末迴相蒼素人固可以一節定耶

諂佞一轍

漢檀長卿身為九卿于衆會中為沐猴與狗鬪以媚帝
舅許伯唐閻朝隱為給事中為武后禱嵩山身為犧牲
伏于俎上求代后病令僧道迎至神所左司郎中張一
元畫代犧圖以進宋趙師罕為京兆尹潛伏叢林作雞鳴
狗吠以博賈似道一笑杜宣猷在閩每逢寒食遣將吏

挈酒食祭諸宦先塚謂之軟使看墓竇懷真為京兆尹
見無鬚者誤以為中官必曲加敬禮韓侂冑用事誕日
高似孫獻詩九章每章用一錫字以寓九錫宋彭孫為
李憲洗足曰中尉足何香也憲以足蹴其首曰奴不亦
諂乎郭忠恕舍內侍竇神興家忠恕有長髯一夕盡剃
之神興見而問故曰聊效顰耳趙元楷為交河道行軍
大總管時侯君集為元帥有馬病顙瘡元楷以指拈其
膿而嗅之張岌諂事薛懷義掌擎黃幘隨薛師後于馬

金匱要略卷八
旁伏地作師馬銓張說授兵部尚書同中書門下三品
把王毛仲手起舞嗅其靴鼻高力士遭父喪左金吾程
伯獻少府監馮紹正直就喪前被髮而哭甚于已親國
朝倪進賢因大學士萬安老而陰痿以藥洗之得為庶
吉士授御史時人目為洗鳥御史分宜當國而家人永
年專為世蕃過錢號曰鶴坡無不稱鶴坡者一御史朱
與之稱義兄弟小九卿給事御史投刺十益一二至江
陵當國而家人子游七司其出入號曰楚濱無不稱楚

濱者二給事李姓與通婚媾翰林諸公贈詩文而給事中九卿御史投刺十四五矣又正德中一大臣上書劉瑾云門下小厮某上恩主老公公嘉靖中一儀部郎謁朔國公勛則云眇眇小學生諂佞之臣千古真一轍也

亂賊人所同惡

亂賊之行人所同惡當其良心發見雖婦人女子不可欺也王莽女為漢平帝后莽篡位日手持玉璽極口肆

金史四庫全書
卷八
詈擲之于地後常稱疾不朝會莽欲嫁之大怒不從曹
掾女為漢獻帝后掾篡位時遣使求璽綬后泣不與如
此數回乃以璽抵軒涕泗橫流楊堅女為周宣帝后偵
知堅有異志其意頗不平篡位之後憤惋尤甚堅欲奪
其志誓死不許徐知誥篡吳其女為太子璉妃聞呼公
主則涕泣而辭嗚呼四人皆篡逆之賊而其女志掾節
義乃如此千載下猶令人撫几而嘆不知當日在廷佐
命諸臣何以施顏面對衾影也

小弱不量力

楚莊王伐蕭蕭人囚熊相宜僚及公子丙王曰勿殺吾
退蕭人殺之王怒遂滅蕭楚伐莒莒人囚楚公子平楚
人曰勿殺吾歸而俘莒人殺之楚師圍莒莒潰遂入郕
齊侯伐魯圍龍頃公之嬖人盧蒲就魁門焉龍人囚之
齊侯曰勿殺吾與而盟無入而封弗聽殺而膊諸城上
齊遂取龍夫以齊楚之大而莒一小國蕭一附庸龍一
邊邑方受攻之際幸能囚執其人強敵許以勿殺而退

師乃不度德量力致怨於彼至於亡滅可謂失計傳稱
子產善相小國使當此必有以處之矣

藝成有悔

羿善射而卒以射見殺彭祖善御女而卒以晚妻妖淫
敗道死蘇秦游說而卒以口見誅扁鵲善醫而卒以醫
亡都雍善傾盜而身死盜手黃公赤刀制虎為虎所食
費長房以符治鬼卒見殺于鬼法師騎龍致雨而卒為
龍所掀身如裂帛水精善于探水卒以入汙洲井為大

金手所攫劉交女舞竿上竟遭撲殺擇術不慎終取滅
亡韋仲將書凌雲閣畢鬚髮白閣立本奉詔畫鴻鵠伏
地吮毫意甚媿之戴安道對使剖琴不為王門伶人陸
鴻漸為李季卿烹茶羞媿作毀茶論挾絕代之藝而亦
多尤悔道成則貴藝成則賤斯言信而有徵矣

兼總百家

魏興和二年遣崔敏陽休之來聘敏博學膽文當陽第
一加以天文律歷醫方藥品卜論既至帝選碩學沙門

十人并百寮與談多屈于敏膺公進曰敏學問踈淺不足上軫冲襟臣請敵之其日膺公與敏論談至苦三光四氣五行十二支十干七宿風雲氣候金丹玉液藥性針道六性五蘊陰陽厯數韜略機權飛伏孤虛鬼神情狀始自經史終于光釋六藝百氏互為主客觀者莫不忘歸然敏詞氣沮於膺不自得與疾北歸未遠而卒魏略云潁川邯鄲淳博學有才華太祖曾遣詣陳思王植延入坐不先與談時天暑熱植取水自澡訖傳粉料頭

拍袒旋舞五椎鍛跳丸擊劍誦俳優小說數千言訖謂
淳曰邯鄲生何如耶乃更著水幘整儀容與淳評說混
元造化之端品物區別之意然後論義皇以來聖賢名
臣烈士優劣之差次頌古今文章詩賦及當官政事宜
所先後又論用師行兵倚伏之勢乃命厨宰酒炙交至
坐席默然無與亢者二君博給俊爽千古無倫若隋劉
炫自陳於內史為狀曰周禮禮記毛詩尚書公羊左傳
孝經論語孔鄭王何服杜等注凡十三家並堪講授周

禮儀禮穀梁用功差少史子文集嘉言善事咸誦于心
天文律數字覆微妙公私文翰未嘗停手劉焯博通五
經算術九章周髀七曜推步星辰度量山海靡所不精
漢劉寬學歐陽尚書京易韓詩星官風角算術皆究極
師法號為通儒樊英習京氏易兼明五經風角算術河
圖七緯亦所兼涉梁顧野王遍觀經史精記默識天文
地理著龜占候蟲篆奇字無不通曉魏崔浩博覽經史
陰陽百家之言精于天人之會自朝廷禮儀策詔軍國